

BØMLO KOMMUNE RÅDMANNENS TEAM
Ordfører Odd Harald Hovland
Rådhuset Leirdalen 1
5430 BREMNES

Dato: 14.05.2018
Vår ref.: 2014/11640-127
Saksbehandlar: tortitt
Dykkar ref.:

Invitasjon til opningsmarkering av Kystpilegrimsleia på Moster, 5.juni 2018

Vi har glede av å invitere ordfører til opningsmarkering av Kystpilegrimsleia på Moster 5. juni.

I juni i år vert det arrangert 3 opningsmarkeringar i Hordaland i høve av at hovudsprosjektet no vert ferdigstilt. Opningsmarkeringane vil finne stad i Moster 5. juni, på Halsnøy Kloster 6. juni, på Askøy 8. juni og i Bergen 9. juni.

Kystpilegrimsleia strekk seg frå Eigersund i sør til Nidaros i nord.

I løpet av juni 2018, vil tradisjonsbåten «R/S Risør II» segle heile Kystpilegrimsleia. Seglasen går innom alle utvalde nøkkelområde i kvart fylke, slik at ho bind saman fylkesvise opningsarrangement på land på ferda mot Nidaros.

Prosjektet Kystpilegrimsleia (2013-2018)

Prosjektet Kystpilegrimsleia er tufta på den historiske pilegrimsferdsle langs vestlandskysten.

Kystpilegrimsleia har som mål å skape ei samanhengande reiserute langs kysten som ein del av ei St. Olavslei og ein Europeisk Kulturveg. Kystpilegrimsleia skal fremje kunnskap om historie og kulturminne, miljøforståing, fysisk aktivitet, folkehelse og legge til rette for bruk og vern av kulturarven vår.

Tanken er å skape eit nettverk og reiselivsprodukt for moderne pilegrimar, basert på den gamle hovudfartsåra for pilegrimar til Nidaros. Kystpilegrimsleia skal vere en brubyggjar mellom dei mange lokalsamfunna langs kysten. Dette er eit prosjekt som har lokalbefolkninga, frivillige lag og organisasjonar, samt lokale næringsdrivande innan overnatting, mat, transport og attraksjonar som sine viktigaste medspelarar.

Bak prosjektet står 4 bispedømme og 5 fylkeskommunar: Rogaland, Hordaland, Sogn og Fjordane, Møre og Romsdal og Trøndelag.

Kystpilegrimsleia er eit verdiskapingsprosjekt som er finansiert av Riksantikvaren, saman med fylkeskommunane. Kyrkja bidreg med kompetanse, kyrkjelege bygningar, menneskelege ressursar og tenester (pilegrimsliturgi).

Kystpilegrimsleia – del av den nasjonale pilegrimssatsinga

Kystpilegrimsleia har frå starten av hatt som målsetjing å søke om godkjenning som nasjonal pilegrimslei under Nasjonalt Pilegrimssenter (NPS)/Nidaros Domkirkes Restaureringsarbeider (NDR).

I styremøtet 6. desember 2017 fatta styret for NDR følgande vedtak:
Styret godkjenner den nye pilegrimsleden «Kystpilegrimsleia» fra Egersund til Trondheim som offisiell pilegrimsled. Det forutsettes at organisering og finansiering av fremtidig drift av «Kystpilegrimsleia» utarbeides i tett samarbeid med Nasjonalt Pilegrimssenter, inntil langtidsplan for pilegrimssatsningen er vedtatt.

Godkjenninga av Kystpilegrimsleia markerer på mange måtar eit tideverv:

Ved å løfte kystdimensjonen i den nasjonale pilegrimssatsinga, vil ein kunne styrke alle pilegrimsmiljø i Noreg - både kulturminne undervegs og hovudmålet Nidaros. Ved no å inkludere kysten i eit europeisk perspektiv, vil St. Olavsvegane til Trondheim verte gjeve ein tilleggsdimensjon i unike og stadspesifikke opplevingar som peiker ut over det nasjonale og bind saman med det mellomeuropeiske andsliv og kultur.

Program for dagen:

10:00 Anløp Mosterhamn - Velkommen til Moster v/lurblåsarar og personalet i Moster Amfi
Omvising i Moster gamle kyrkje

Omvising i Moster Amfi

Vandring - gjennom bergverksutstillinga «**Steinriket Bømlo**» og vidare gjennom tunnelane til **Olavskjelda**. Vandring tilbake til Moster Amfi

Uteamfiet - Historia om Moster Amfi

Amfikafèen - Vikingsodd med flatbrød + kaffi og vaflar m/rømme og syltetøy

14:00 Avreise frå Moster Amfi

Det hadde vore fint om ordføraren eller andre representantar frå kommunen hadde høve til seie nokre ord. Bjørgvin Bispedøme har sendt tilsvarende invitasjon til representantar frå kyrkja.

David J. Aasen Sandved
kst. fylkeskonservator

Tor Andreas Titlestad
seniorrådgjevar

Brevet er godkjent elektronisk og har derfor inga underskrift.

